



Broj: 01-165/21
Vareš, 30.09. 2021. godine

Z A P I S N I K
sa 7. sjednice Općinskog vijeća Vareš,
održane 29.07. 2021. godine

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zdenko Franjić, Nazif Hajrić, Igor Hinger, Šaban Ibrišimović, Emir Islamović, Salih Memić, Mario Mirčić, Nedžad Mušanović, Malik Rizvanović, Nikola Šimić i Edib Zubača.

Odsutni: Nema.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 7. sjednicu s početkom u 14,05 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici načelnika - gosp. Ermin Musa i gosp. Čedomir Jelić, šef Odsjeka za BIZ – gosp. Senad Dramalija, ispred Službe za privredu, finansije i trezor – gosp. Dragan Orozović i predstavnici medija.

Sekretar OV Leon Pavlović izvijestio je Vijeće da je na 6. sjednici OV održanoj 29.06.2021. godine, Vijeće donijelo četiri (4) zaključka. Tri (3) zaključka su realizovana a jedan (1) zaključak je u toku realizacije. Postavljeno je devet (9) vijećničkih pitanja. Na osam (8) pitanja je odgovoreno, na pitanje u vezi autobuske linije Vareš-Zenica poslat je upit i čeka se odgovor. Podnosiocima pitanja i svim ostalim vijećnicima dostavljen je pisani odgovor.

(Izjašnjavanje vijećnika o dobivenom odgovoru)

Vijećnica Maja Berberović izjavila je da je odgovor na pitanje dobila na današnjoj sjednici. Moli nadležne da odgovore na postavljena vijećnička pitanja dostavljaju blagovremeno ili bar dan prije održavanja sjednice.

(Vijećnička pitanja)

Salih Memić

1. Tražim da mi se dostavi informacija o broju uposlenih u vatrogasnoj službi u zadnje četiri godine, uključujući i 2021. godinu, i to broj uposlenih na neodređeno i određeno vrijeme. Da li je bilo upošljavanja i da li je

ispoštovana procedura raspisivanja javnog oglasa? Na navedeno pitanje tražim pismeni odgovor. Pitanje je postavljeno Općinskoj službi.

Inicijativa: Izrada projektne dokumentacije i postavljanje ulične rasvjete na području MZ Neprivaj.

Nurdin Begović

2. Kada će doći do uređenja i popravljavanja javne rasvjete u MZ Vareš Majdan? Koliko novca je potrebno da bi ova aktivnost bila realizovana?

Nazif Hajrić

3. Kada će se izvršiti rekonstrukcija puta ili makar sanacija udarnih rupa na dionici puta Pajtov Han-Striježevo?
4. Da li se u skorijem periodu planira izvršiti čišćenje i uklanjanje rastinja, koje narušava preglednost i otežava odvijanje saobraćaja na lokalnom putu Pajtov Han-Striježevo?

Općinski načelnik Zdravko Marošević pod aktuelnim pitanjima izvijestio je Vijeće da se redovne aktivnosti sprovode kao i rad sa određenim institucijama i višim nivoima vlasti. U posjeti našoj općini bio je predsjednik Federacije BiH zajedno sa resornim ministrom za prostorno uređenje. Razgovaralo se o energetskom utopljavanju osnovne škole. U razgovoru sa predsjednikom Federacije BiH i članom Vlade u vezi projekata koje smo poslali, tražio sam da imaju sluha za našu Općinu i da ih pokušaju pustiti. Hrvatska vlada je isto tako reagovala na projekat uređenja komunalne infrastrukture u Varešu. Također je upoznao prisutne o sprovedenim aktivnostima na gašenju požara koji se desio 28.07. 2021. godine u Vareš Majdanu. Apelirao je da građani općine Vareš ne vrše paljenje na njivama. U svom daljnjem obraćanju dao je odgovor na Inicijativu u vezi rasvjete u MZ Neprivaj (dat je nalog za izradu male javne rasvjete, jer trenutno se ne može raditi veća bez projektne dokumentacije) i odgovore na vijećnička pitanja (rasvjeta u Vareš Majdanu zahtjeva kompletnu rekonstrukciju, pokrenut će se potrebne aktivnosti u vezi čišćenja i uklanjanja rastinja na lok. putu prema Striježevu).

Predsjedavajuća OV stavila je na raspravu Zapisnik sa 6. sjednice OV.

Vijećnica Sahudina Beganović ispred Kluba SDA izjavila je da nemaju primjedbi na Zapisnik i radi javnosti dala je obrazloženje u vezi razloga napuštanja 6. sjednice OV Kluba SDA u kome je naglasila da je Klub SDA branio integritet vijećnika i pokušao da skrene pažnju u kulturi dijaloga za govornicom.

Nije bilo primjedbi predsjedavajuća OV stavila je na izjašnjavanje Zapisnik sa 6. sjednice OV i nakon izjašnjavanja vijećnika konstatuje da je **jednoglasno sa (18 glasova „ZA“)** (odsutan vijećnik Asmir Čizmo) **usvojen Zapisnik sa 6. sjednice OV.**

Predsjedavajuća OV u svom obraćanju uputila je apel općinskim vijećnicima da se pridržavaju Etičkog kodeksa vijećnika u Općinskom vijeću Vareš, državnim službenicima (pomoćnici općinskog načelnika) da se pridržavaju Etičkog kodeksa za državne službenike, i apel Općinskom načelniku da se pridržavamo Statuta Općine Vareš i međusobnih uvažavanja kako bi mogli sjednice OV normalno voditi i u normalnim tonovima, a sve one koji eventualno imaju ličnih međuljudskih odnosa, da to riješe van ove sale.

Predsjedavajuća OV stavila je na raspravu prijedlog dnevnog reda za 7. sjednicu OV koji je usaglašen na Kolegiju Općinskog vijeća.

Nije bilo učesnika u raspravi i predsjedavajuća OV stavila je na izjašnjavanje prijedlog dnevnog reda 7. sjednice OV i nakon izjašnjavanja vijećnika konstatuje da **je jednoglasno (sa 19 glasova „ZA“)** usvojen sljedeći

Dnevni red

1. Prijedlog Odluke o raspisivanju izbora za članove savjeta mjesnih zajednica na području općine Vareš.
Izjavitelj: Čedomir Jelić
2. Prijedlog Odluke o načinu i uslovima raspolaganja nekretninama u vlasništvu Općine Vareš. (stambene jedinice Nikovac)
Izjavitelj: Ermin Musa
3. Prijedlog Odluke o povjeravanju na upravljanje i raspolaganje opremom za prikupljanje otpada JKP d.o.o. Vareš.
Izjavitelj: Ermin Musa
4. Prijedlog Odluke o izmjeni Odluke o davanju u zakup stanova Općine Vareš.
Izjavitelj: Ermin Musa
5. Prijedlog Odluke o zaštitnim zonama i zaštitnim mjerama izvorišta „Radakovica“ općina Vareš.
Izjavitelj: Dragan Orozović.
6. Prijedlog Odluke o dodjeli općinskog priznanja i novčane nagrade Općine Vareš za 2021. godinu.
Izjavitelj: Sekretar OV.
7. Prijedlog Odluke o izmjenama Odluke o raspodjeli sredstava za političke stranke i nezavisnog vijećnika u Općinskom vijeću Vareš iz budžeta Općine Vareš za 2021. godinu.
Izjavitelj: Sekretar OV.
8. Prijedlog Rješenja o utvrđivanju prava vlasništva u korist Bogeljić Tonke iz Vareša Tisovci bb.
Izjavitelj: Ermin Musa.
9. Prijedlog Rješenja o imenovanju Komisije za utvrđivanje rezultata izbora za članove savjeta mjesnih zajednica na području općine Vareš.
Izjavitelj: Čedomir Jelić
10. Prijedlog Rješenja o imenovanju Stručne komisije za procjenu prometne vrijednosti nekretnina.
Izjavitelj: Općinski načelnik
11. Prijedlog Programa obilježavanja 16. augusta/kolovoza – Dana općine Vareš.
Izjavitelj: Općinski načelnik
12. Informacija o ostvarivanju osnovnih i dopunskih prava iz oblasti boračko-invalidske zaštite na području općine Vareš.
Izjavitelj: Čedomir Jelić
13. Tekuća pitanja.

Ad. 1.

(Prijedlog Odluke o raspisivanju izbora za članove savjeta mjesnih zajednica na području općine Vareš.)

Ispred ovlaštenog predlagača, pomoćnik načelnika Čedomir Jelić dao je dodatno pojašnjenje za ovu tačku dnevnog reda.

Otvorena je rasprava u kojoj su iznijeli prijedloge, primjedbe i mišljenja vijećnici: Mario Mirčić (*Klub HDZ prihvata prijedlog odluke i predlaže uz dato pojašnjenje da se mandat starim savjetima produži do 31.12.2021. godine da bi onda novi savjeti preuzeli funkciju od 01.01.2022. godine radi potpunih pružanja blagovremenih informacija i izvještaja sa krajem tekuće godine. Traži da se Vijeće izjasni o ovome prijedlogu*), Nurdin Begović (*predložio je da Vijeće odbaci ovu odluku kao ovakvu iz razloga što smo mi jedini grad koji provodi izbore javnim glasanjem. Predložio je Zaključak: Zadužuje se nadležna Služba da do sljedeće redovne sjednice OV pripremi nacrt odluke o izmjenama i dopunama Statuta Općine Vareš kojim će biti predviđena izmjena prvenstveno član 63. stava 3. gdje se riječ „javnim“ zamjenjuje riječju „tajnim“. Također, nadležna Služba se zadužuje da razmotri i izmijeni sve druge odredbe Statuta koje bi bile u suprotnosti sa predloženim izmjenama.*), Sahudina Beganović (*u svom obraćanju apeluje na građane da se uključe u biranje predsjednika mjesnih zajednica*), Dario Dodik (*podržava prijedloge vijećnika Nurdina Begović i Maria Mirčić*), Emir Islamović (*ispred Kluba SDA izjavio da Klub podržava Prijedlog odluke*), Mirnes Ajanović (*ispred Kluba SDP izjavio da Klub podržava prijedlog vijećnika Nurdina Begović u vezi izmjene Statuta koja se odnosi na način glasanja*), Mahira Brkić (*izjavila je da prihvata prijedloge vijećnika, u svom obraćanju stavila je akcenat na rok održavanja izbora (jedan vikend) i uz dato pojašnjenje iznijela je mišljenje da se izbori mogu provesti u periodu od tri vikenda a ne samo za jedan vikend.*).

Predsjedavajuća OV pozvala je pomoćnika načelnika Čedomira Jelića da iznese svoje mišljenje o svim diskusijama iznesenim po ovoj tački dnevnog reda.

Pomoćnik načelnika Čedomir Jelić u svom obraćanju izjavio je da bi ove prijedloge razumio da su oni izneseni u aprilu mjesecu kada je izvršeno prolongiranje izbora. I tada a i sada držali smo se odredbi Statuta. U vezi prijedloga vijećnika Mirčića, mišljenja je da bi to bilo upitnije kada se nađu rezultati izbora pred vijećnicima i ako nađete tada za shodno i racionalno, praktično da produžite mandat sadašnjeg savjeta na mjesec-dva, koliko bude trebalo. Izmjene Statuta ne bi trebali vezati za ovu odluku, jer izmjene Statuta se dosad uvijek donosile kada se stekne neka kritična masa prijedloga koje treba pustiti u proceduru. Izjavio je da ostaje pri stajalištu koje je na početku naveo, a to je da poziva Vijeće da podrži prijedlog Odluke u ponuđenom obliku.

U daljnjoj raspravi su učestvovali vijećnici: Mirnes Ajanović (*mišljenja je da imamo generalni problem na način izbora savjeta mjesnih zajednica koji se do sada događao. Građani koji izađu na izbore podložni su političkim pritiscima kada se javno glasa. S tim u vezi SDP ostaje pri tome da se odgodi, prolongira, da se ovaj problem riješi i da se krene sa procedurom izmjena Statuta*), Mario Mirčić (*izjavio je da Klub HDZ nema ništa protiv organizacije izbora tajnim glasanjem, ali je mišljenja da se za ove izbore debelo zakasnilo, sva procedura koju vijećnik Begović predlaže, ne može se okončati najmanje za tri mjeseca. Mi možemo povući naš prijedlog i da se izbori provedu po dosadašnjem principu*), Mirnes

Ajanović – replika (uz dato pojašnjenje izjavio da Klub SDP insistira na prijedlogu vijećnika Begovića), Maja Berberović (uz dato pojašnjenje izjavila je da podržava prijedlog vijećnika Begovića i zatražila je pauzu u trajanju 10 minuta kako bi se Klubovi dogovorili i glasali.), Emir Islamović (faktički smo pred novim talasom korone i ako to ostavimo za 3 mjeseca šta će se desiti. Za sve te izbore moramo odrediti komisije koje se plaćaju. Izjavio je da je i on za prijedlog da se izbori održe tajnim glasanjem ali mišljenja je da se nisu još stekli uslovi za to).

Općinski načelnik Zdravko Marošević u svom obraćanju podsjetio je prisutne da su izbori u mjesnim zajednicama u nadležnosti Vijeća. Napomenuo je da, kada se radi o izmjenama Statuta, da se o tome treba dogovoriti, jer Statut se mijenja sa 2/3 većinom (najmanje 14 glasova „ZA“).

Predsjedavajuća OV pozvala je sekretara OV da iznese dodatno pojašnjenje u vezi odredbi Statuta koje se vezane za trenutnu problematiku.

Sekretar OV Leon Pavlović izjavio je da donošenje i promjene Statuta Općine Vareš su regulisane našim Statutom. To je malo duža procedura. Sekretar OV citirao je članove Statuta Općine Vareš koji se odnose na donošenje i promjene Statuta

„Član 99.

Postupak za donošenje statuta pokreće se donošenjem odluke o izradi statuta i obuhvata pripremu i razmatranje nacrtu, javnu raspravu, utvrđivanje prijedloga i usvajanje Statuta.

Član 100.

Postupak za promjenu Statuta Općine Vareš pokreće se prijedlogom.

Prijedlog za promjenu Statuta mogu podnijeti: Općinski načelnik, Komisija za statutarna pitanja i propise, Općinsko vijeće i jedna trećina vijećnika Općinskog vijeća.

Prijedlog iz prethodnog stava mora biti obrazložen, a podnosi se predsjedavajućem Općinskog vijeća u pismenoj formi.

Član 101.

Prijedlog za promjenu Statuta predsjedavajući Općinskog vijeća upućuje Komisiji za statutarna pitanja i propise koja ga razmatra i uz mišljenje upućuje Općinskom vijeću.

Član 102.

O prijedlogu za promjenu Statuta raspravlja se na sjednici Općinskog vijeća.

Prihvaćeni prijedlog promjene Statuta dostavlja se vijećnicima Općinskog vijeća, organima mjesnih zajednica i udruženjima koja djeluju na području Općine Vareš radi vođenja javne rasprave o predloženim promjenama i davanja primjedbi i prijedloga, nakon čega se prijedlog upućuje Općinskom vijeću na usvajanje.

Ako se prijedlog za promjenu Statuta ne prihvati, on se ne može ponovo staviti na dnevni red sjednice Općinskog vijeća prije isteka roka od šest mjeseci.

Član 103.

Komisija za statutarna pitanja i propise predlaže odluku o izmjenama i dopunama Statuta.

Komisija za statutarna pitanja i propise može predložiti izmjene i dopune Statuta radi njegovog usklađivanja sa zakonom bez prethodne rasprave.

Član 104.

O izmjenama i dopunama Statuta Općinsko vijeće donosi odluku.

Statut i odluka o izmjenama i dopunama Statuta donose se dvotrećinskom većinom ukupnog broja vijećnika u Općinskom vijeću.“

Predsjedavajuća OV je na osnovu datog pojašnjenje sekretara OV i na osnovu člana 100. Statuta Općine Vareš zaključila da nisu stečeni uslovi za izmjenu Statuta (potrebna je peticija da se pokrene od 1/3 vijećnika što u ovom slučaju znači 7 vijećnika i kada se završi kompletna procedura moramo imati 14 glasova „za“ izmjenu Statuta što je sve nemoguće na ovoj sjednici. U tom slučaju prijedlog zaključka vijećnika Begovića ne može ni dati na glasanje, jer ne može jedan pojedinac podnijeti nego treba 8 vijećnika.

Predsjedavajuća OV dala je pauzu u trajanju 10 minuta radi usuglašavanja mišljenja Klubova i vijećnika.

Nastavljeno je sa radom današnje sjednice.

Predsjedavajuća OV izjavila je da su Klubovi vijećnika postigli neki određeni konsenzus i uputila je vijećnika Begovića, s obzirom da nisu trenutno stečeni uslovi po Statutu za provedbu njegovog prijedloga, da napravi prijedlog sa obrazloženjem, prikupi minimalno 7 potpisa vijećnika, dostavi predsjedavajućoj isti do prve naredne redovne sjednice OV. Po Statutu predsjedavajuća prijedlog upućuje Komisiji za statutarna pitanja i propise i tek onda OV se može izjasniti po tom prijedlogu. Na osnovu neformalnog razgovora Klubova, predsjedavajuća OV predložila je i stavila na izjašnjavanje sljedeći

Zaključak:

- **Da se apeluje na sve nadležne Službe Općinskog načelnika, Stručnu službu OV, ukoliko ima određenih prijedloga u vezi sa promjenama Statuta Općine Vareš, da se takvi prijedlozi uzmu u razmatranje prilikom kretanja u proceduru ua izmjenu Statuta.**

Nakon izjašnjavanja vijećnika predsjedavajuća OV konstatuje da **je jednoglasno (sa 19 glasova „ZA“) usvojen predloženi Zaključak.**

Predsjedavajuća OV ponovo je predlagaču predložila da u članu 2. Prijedloga Odluke stoji da će se izbori održati 4, 5, 11 i 12. 09. 2021. godine.

Predsjedavajuća OV pozvala je predlagača da se izjasni o datom prijedlogu.

Ispred ovlaštenog predlagača pomoćnik načelnika Čedomir Jelić izjavio je da prihvata prijedlog dopune člana 2. Prijedloga Odluke i ponovo pozvao vijećnike da Prijedlog Odluke sa dopunom člana 2. prihvate i usvoje.

Predsjedavajuća OV je konstatovala da je vijećnik Mario Mirčić povukao predloženi prijedlog tako da isti neće stavlјati na izjašnjavanje.

Predsjedavajuća OV stavila je na izjašnjavanje Prijedlog Odluke o raspisivanju izbora za članove savjeta mjesnih zajednica na području općine Vareš sa prihvaćenom dopunom člana 2.

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“) usvojena**

***Odluka o raspisivanju izbora za članove
savjeta mjesnih zajednica na području općine Vareš.***

Ad. 2.

(Prijedlog Odluke o načinu i uslovima raspolaganja nekretninama u vlasništvu Općine Vareš. (stambene jedinice Nikovac)

Komisija za statutarna pitanja i propise na 5. sjednici održanoj 22.07.2021. godine jednoglasno je donijela sljedeći Zaključak:

- **Komisija nema primjedbi na Prijedlog Odluke o načinu i uslovima raspolaganja nekretninama u vlasništvu Općine Vareš (stambene jedinice ul. Nikovac), te je upućuje Vijeću na razmatranje.**

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Nedžad *Mušanović* (*Klub SDA nema ništa protiv da se neiskorištena općinska imovina koja je izložena propadanju iskoristi, problem je u tome što odluke o prodaji općinske imovine nikada ne sadrže obavezujući član koji definiše u koje svrhe će biti usmjeren novac dobiven prodajom ili zakupom*) i Mahira Brkić (*uz dato pojašnjenje apeluje na nadležnu Službu da ubuduće kad su ovakve odluke u pitanju, Vijeću dostavi bar jedan nalaz sudskog vještaka na uvid i da prilikom uplate kapare naznači se tačno za koju stambenu jedinicu se uplaćuje*).

Zaključena je rasprava i predsjedavajuća OV stavila je na izjašnjavanje Prijedlog Odluke o uslovima raspolaganja nekretninama u vlasništvu Općine Vareš (stambene jedinice Nikovac).

Nakon izjašnjavanja vijećnika predsjedavajuća OV konstatuje da **je jednoglasno (sa 19 glasova „ZA“) usvojena**

Odluka o načinu i uslovima raspolaganja nekretninama u vlasništvu Općine Vareš (stambene jedinice Nikovac).

Ad.3.

(Prijedlog Odluke o povjeravanju na upravljanje i raspolaganje opremom za prikupljanje otpada JKP d.o.o. Vareš.)

Komisija za statutarna pitanja i propise na 5. sjednici održanoj 22.07.2021. godine jednoglasno je donijela sljedeći Zaključak:

- **Komisija nema primjedbi na Prijedlog Odluke o povjeravanju na upravljanje i raspolaganje opremom za prikupljanje otpada JKP d.o.o. Vareš, te je upućuje Vijeću na razmatranje.**

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Igor Hinger (*skrenuo pažnju na devastirane kontejnere naročito na selima, u potrebi je da nadležni iz JKP izađu na teren i snime situaciju koje su to lokacije (napominje lokaciju Ponikve) gdje bi se kontejneri trebali zamijeniti, uz dato pojašnjenje apeluje da se kontejneri i kante za otpad prazne redovnije*

naročito u vrijeme blagdana i praznika) i Mirnes Ajanović (sugeriše da se obrati pažnja i na naše turističke destinacije kada je u pitanju raspodjela kontejnera i kanti za otpad.)

Zaključena je rasprava i predsjedavajuća OV stavila je na izjašnjavanje Prijedlog Odluke o povjeravanju na upravljanje i raspolaganje opremom za prikupljanje otpada JKP d.o.o. Vareš.

Nakon izjašnjavanja vijećnika predsjedavajuća OV konstatuje da **je jednoglasno (sa 19 glasova „ZA“) usvojena**

***Odluka o povjeravanju na upravljanje i
raspolaganje opremom za prikupljanje otpada JKP d.o.o Vareš.***

Predsjedavajuća OV je apelovala u ime Općinskog vijeća da nadležne institucije, firme ispoštuju sve prijedloge koje su vijećnici iznijeli u raspravi.

Ad.4.

*(Prijedlog Odluke o izmjeni Odluke
o davanju u zakup stanova Općine Vareš.)*

Komisija za statutarna pitanja i propise na 5. sjednici održanoj 22.07.2021. godine jednoglasno je donijela sljedeći Zaključak:

- **Komisija nema primjedbi na Prijedlog Odluke o izmjeni Odluke o davanju u zakup stanova Općine Vareš, s tim da se urade tehničke ispravke (u preambuli navesti datum donošenja Statuta Općine Vareš 11.09.2012. godine), u naslovu Odluke riječ „izmjeni“ zamjenjuje se riječju „izmjenama“. Prijedlog Odluke upućuje se Vijeću na razmatranje.**

Predlagач nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Mahira Brkić (*uz dato obrazloženje iznijela je mišljenje da bi trebalo ići u izmjenju člana 5. ali ne na način koji je ponuđen, nego da se u članu doda „...a prioritet imaju socijalno ugrožena lica, zatim lica čija primanja ne prelaze 200 KM po članu domaćinstva pa tek onda ostali...“*), Nurdin Begović (*uz dato pojašnjenje iznio je mišljenje da odluka nije dobra (naglašavajući izmjenju člana 5.) i da je ne može prihvatiti, kao član Komisije za popis stanova upoznao je prisutne sa određenim podacima, insistira da u članu 5. Odluke o davanju u zakup stanova Općine Vareš treba da ostane da se stanovi daju u zakup putem javnog oglasa koji provodi općinska Služba koja je nadležna za stambene poslove*), Malik Rizvanović (*Klub SDA je za jasnu podjelu i razliku visine cijena zakupa općinskih stanova za lica koja su u statusu socijalno ugroženih i onih sugrađana zakupaca koji imaju prihode. U ovom dijelu prijedloga Odluke smo za međutim, obrazloženje po članu 1. prijedloga za izmjenju Odluke o davanju u zakup stanova Općine Vareš u dijelu koji se odnosi na izmjenju člana 5. kojim se vrši promjena u smislu da neće biti obaveze raspisivanja javnog poziva za dodjelu stanova, već će zainteresovani podnositi zahtjev, dokumentaciju da bi se uštedilo na troškovima. Pitam –ko onda donosi odluku hoće li i kome biti dat u zakup neki stan? Je li to neka komisija u okviru Službe, Centar za socijalni rad ili Općinski načelnik? Obzirom da je Općinski načelnik do sada praktikovao sam davati stanove, znači da je kršio važeću Odluku ne objavljujući javne pozive i imao priliku za samovoljnu procjenu o dodjeli stanova u zakup, što se može smatrati trgovinom*

uticaja. Ponavlja se ista situacija kao i kod Odluke o prodaji pod tačkom 2. današnje sjednice OV. Nije Odlukom definisano u koje svrhe će se trošiti sredstva od zakupa općinskih sredstava. Klub vijećnika SDA nije za izmjenu člana 5. važeće Odluke, već želimo da sve i dalje bude po javnom pozivu i transparentno u odnosu.....a da Općinski načelnik više definitivno ne može sam odlučivati o dodjeli stanova. Također napominjemo da će za socijalno ugrožena lica u slučaju potrebe hitnog rješavanja stanovanja kao do sada angažirati Centar za socijalni rad pri predviđenoj proceduri. Predlažemo Zaključak i tražimo da se glasa o istom: -Neka se Prijedlog Odluke vrati na doradu, član 5. važeće Odluke ostaje isti. Vršite se izmjene člana 8. , mijenja se iznos zakupa i uvrštava se član koji definiše da će se sredstva iz zakupa koristiti za otklanjanje šteta, adaptaciju na stanovima u općinskom vlasništvu radi unapređivanja stambenog fonda. Klub vijećnika SDA zahtijeva da se ovakav naš stav, prijedlog zaključka i rezultati glasanja o istom unesu u Zapisnik.), Dario Dodik (podržava prijedloge kolega i predlože da se Odluka vrati na doradu, da se u doradama obuhvate i kriteriji, da se razrade na način da je jasno ko ima prednost i da se odredi ko će u biti dodjeljivati te stanove i na koji način), Mirnes Ajanović (podržava prijedloge kolega i predlaže ispred Kluba SDP da se Odluka vrati na doradu i ugradi sve ono što su kolege predložile), Maja Berberović (smatra da po ovoj odluci treba dati što više prijedloga i da se onda zajednički mijenja sve, podržava prijedloge kolega, traži da se Vijeću dostavi Izvještaj komisije koja je vršila popis stanova kako bi Vijeće bilo upoznato sa čime raspolaže, pa da se onda eventualno rade izmjene te Odluke) i Nurdin Begović-replika (Komisija za popis stanova predala je Izvještaj Službi OV).

Općinski načelnik Zdravko Marošević u svom obraćanju izjavio je da nije upoznat šta je Komisija uradila jer nema Izvještaj pred sobom, ali mu je drago ako je Komisija uopšte došla do krajnjeg rezultata (kad, u koje vrijeme i ko je koristio stanove i ko im je to dao). U zadnjih pet godina stanovi su dodjeljivani isključivo socijalnoj kategoriji i svi su dobili rješenje . Ovo je jako kompleksna materija. Izjavio je da je imao primjedbi od građana na rad Komisije o čemu je dao pojašnjenje. U ranijim periodima dodjeljivani su stanovi, tadašnji određeni korisnici su bili nezaposleni, neki su u međuvremenu dobili zaposlenje ali se to nije pratilo i u tu materiju niko nije htio da uđe. Zbog toga podržava rad Komisije ali je skrenuo pažnju da Komisije uđe u svoj posao ali sa oprezom (zašto je dobio stan, zašto nije dobio rješenje...). Napomenuo je da se stanovi prodaju zakonski uz procjenu sudskog izvršitelja, ali da moramo imati stanove za hitne slučajeve. O istom je dao pojašnjenje. Naglasio je da je najbitnije doći do ukupnog broja stanova.

U daljnjoj raspravi je učestvovao vijećnik Nurdin Begović –replika (izjavio da on kao član Komisije nije uputio nikome nikakve prijetnje.).

Predsjedavajuća OV je zaključila raspravu i izjavila da će Vijeće raspravljati o ovoj tematici kada Vijeću bude dostavljen Izvještaj Komisije za popis stanova.

Na osnovu diskusija vijećnika i predstavnika Jedinog općinskog organa, predsjedavajuća OV je u skladu sa članom 119. stav 3. Poslovnika o radu Općinskog vijeća (Novi prečišćeni tekst) predložila i stavila na izjašnjenje sljedeći

Zaključak:

Da se ponuđena Odluka vrati predlažući , ne samo na izmjenu nego i na dopunu na način da se član 5. ne mijenja zbog transparentnosti (ostaje javni poziv), član 8. da se promijeni, jer to pozitivno utiče na budžet Općine Vareš. Također, poštujući i ove probleme o kojima su određeni vijećnici govorili a i sam Načelnik, da u Odluci dopuna bude u smislu kriterija koji su to jasno i decidno poredani kriteriji po kojima neko može dobiti jedan općinski stan. Ali da ispoštujemo i ovo što je Načelnik rekao , kad treba djelovati ad hoc, da postoji mogućnost da Načelnik dodijeli stan maksimalno do 90 dana u kom terminu mora biti proveden javni poziv i da zadovoljimo sve te sfere o kojima smo razgovarali.

Predsjedavajuća OV zamolila je vijećnike da ne dobacuju iz klupa jer je rasprava završena i svi koji su tražili riječ su dobili i svi prijedlozi koji su izneseni su uvršteni u prijedlog zaključka. Ako pojedini vijećnici imaju potrebu za dodatnim obraćanjem to mogu pod tačkom Tekuća pitanja.

Vijećnik Dario Dodik pozvao se na povredu Poslovnika i zatražio je riječ da obrazloži zbog čega se poziva na isto. U svom obraćanju izjavio je da ako sad zatvorimo raspravu onda više nema novih prijedloga ni od strane predsjedavajuće OV. Ako predsjedavajuća da novi prijedlog onda mi moramo imati mogućnost da raspravimo o novom prijedlogu. Predsjedavajuća OV je sada napravila izmjenu, odnosno zaključak u kome je uvrstila svoj prijedlog, a vijećnicima nije dala da se izjasne. Konkretno se ne slaže da Načelnik bude taj koji ad hoc dodjeljuje stan, neka to bude Centar za socijalni rad.

Vijećnik Emir Islamović podsjetio je na prijedlog kolege Malika Rizvanović koji je izričito tražio da se Vijeće izjasni o prijedlogu Kluba vijećnika SDA.

Predsjedavajuća OV dala je pauzu u trajanju 10 minuta kako bi se usaglasili u vezi zaključka.

Nastavljeno je sa radom današnje sjednice.

Nakon usaglašavanja Kubova vijećnika predsjedavajuća OV stavila je na izjašnjavanje sljedeći

Zaključak:

Na osnovu člana 119. stav 3. Poslovnika o radu općinskog vijeća (Novi prečišćeni tekst) broj 01-132/20 od 19.10.2020. godine prijedlog Odluke o izmjeni Odluke o davanju u zakup stanova Općine Vareš vraćamo predlagaču i to da član 5. važeće Odluke ostaje isti, odnosno da se stanovi i dalje daju u zakup na osnovu Javnih poziva. Da se izmjeni i član 8. važeće Odluke i to na način kako je predloženo predmetnom Odlukom.

U slučajevima kada se mora djelovati ad hoc, dati načelniku mogućnost da bez pristanka i konsultacije OV reaguje u dodjeli stanova, na period ne duži od 90 dana, ali i da se u dopuni ove Odluke taksativno nabroje koji su to slučajevi.

Dopunu izvršiti i u smislu kriterija po kojima će neko po Javnom pozivu dobiti određeni stan u zakup.

Tražimo od nadležnih Službi mišljenja o uvrštavanju novog člana važeće Odluke, da li imamo pravo sredstva od zakupa stanova proglasiti namjenskim.

Nakon izjašnjavanja vijećnika predsjedavajuća OV konstatuje da **je jednoglasno (sa 19 glasova „ZA“ usvojen predloženi Zaključak.**

Ad.5.

(Prijedlog Odluke o zaštitnim zonama i zaštitnim mjerama izvorišta „Radakovica“ općina Vareš).

Komisija za statutarna pitanja i propise na 5. sjednici održanoj 22.07.2021. godine jednoglasno je donijela sljedeći Zaključak:

- **Komisija nema primjedbi na Prijedlog Odluke o zaštitnim zonama i zaštitnim mjerama izvorišta „Radakovica“ općina Vareš, te je upućuje Vijeću na razmatranje.**

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Hajrić Nazif (*sugerisao službama da kada rade ovakve odluke da pored koordinata stave i skicu lokacije*), Nikola Šimić (*podržava sugestiju kolege Hajrića, mišljenja je da se koncesiono polje firme Eastern Mining i koncesiono polje izvorišta Radakovica u ovim navedenim koordinata negdje moraju poklapati i u vezi s tim postavio je pitanje nadležnoj službi „Šta je ovdje starije, da li koncesija koja je dana firmi Eastern Mining ili ovo sad što dajemo u zaštitnu zonu izvorište Radakovica? Šta je starije pravo vlasnika ili pravo koncesionara? Traži da se u ovakvim odlukama unesu zaključci koje predlaže lokalna zajednica kada je u pitanju dodjela koncesija, zaštitne zone i sl., Mahira Brkić (dala kratko pojašnjenje na pitanje vijećnika Šimića u vezi prava vlasnika i prava koncesionara, podržava prijedlog vijećnika Hajrića, traži od predlagača pojašnjenje člana 4. stav 4.i člana 9. stav 3. i tehničku ispravku u članu 3. umjesto što stoji „o ograničenima „ da stoji „i ograničenjima“) i Emir Islamović (radi javnosti podsjetio je da kada su u pitanju odluke o zaštitnim zonama obaveza i dužnost svih operatera, odnosno onih koji rade sa vodom, da naprave ovakvu odluku i da istu usklade sa odlukom koja je donesena 2012. godine, čitava Borovica je davno nekad ušla u tu zonu (III zona).*

Predsjedavajuća OV uz dato obrazloženje, pozvala je ovlaštenog predlagača da odgovori na koji način upoznati građane (fizička lica) sa sadržajem ove Odluke.

Ispred ovlaštenog predlagača gosp. Dragan Orozović u svom obraćanju dao je kratko pojašnjenje i na neka pitanja i predložio da se Odluka nakon eventualnog usvajanja dostavi predsjedniku MZ Borovica kako bi se upoznalo stanovništvo sa istom.

U daljnjoj raspravi su učestvovali vijećnici: Nikola Šimić javio se za repliku i ponovno naglasio da ljudi koji žive na prostorima gdje se ovakve stvari donose, moraju dati jedno svoje mišljenje, Dario Dodik (*podržava vijećnika Šimića, vijećnici bi trebalo da znaju bar gdje se nalazi ovakvo područje i posebno da se upozna lokalna zajednica na čijim parcelama se nalaze te zone.*) i Općinski načelnik Zdravko Marošević koji je podržao sugestiju vijećnika Hajrića i izjavio da stanovništvo mora biti upoznato sa ovakvim odlukama, odnosno moraju znati koja se zona gdje nalazi i koje su aktivnosti dozvoljene a koje nisu u tim zonama.

Zaključena je rasprava i predsjedavajuća OV stavila je na izjašnjavanje Prijedlog Odluke o zaštitnim zonama i zaštitnim mjerama izvorišta „Radakovica“ općina Vareš uz tehničke ispravke u članu 3. i članu 4. stav 4. (*navesti da prostor mora biti obilježen tablom*).

Nakon izjašnjavanja vijećnika predsjedavajuća OV konstatuje da **je jednoglasno (sa 19 glasova „ZA“)**

Odluka o zaštitnim zonama i zaštitnim mjerama izvorišta „Radakovica“, općina Vareš.

Predsjedavajuća OV je na osnovu iznesenih prijedloga vijećnika Nazifa Hajrić i Nikole Šimić predložila i stavila na izjašnjavanje sljedeći

Zaključak:

Odluke o zaštitnim mjerama i zaštitnim zonama, ubuduće da sadrže mišljenje Savjeta MZ sa onog područja na koji se Odluka odnosi (mišljenje nije obavezno ali

da se zatraži). Da se uz Odluku dostavi i tehnička dokumentacija koja podrazumjeva karte, skice iz katastra i sl.

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“)** usvojen predloženi Zaključak.

Ad.6.

(Prijedlog Odluke o dodjeli općinskog priznanja i novčane nagrade Općine Vareš za 2021. godinu.)

Komisija za statutarna pitanja i propise na 5. sjednici održanoj 22.07.2021. godine jednoglasno je donijela sljedeći Zaključak:

- **Komisija je utvrdila Prijedlog Odluke o dodjeli općinskog priznanja i novčane nagrade općine Vareš za 2021. godinu – Plaketa Općine Vareš za životno djelo., te ga upućuje Vijeću na razmatranje i usvajanje.**

Općinski načelnik Zdravko Marošević uz dato obrazloženje predložio je Vijeću da novčana nagrada bude u iznosu od 1.000,00 KM.

Otvorena je rasprava u kojoj su učestvovali: zamjenik predsjedavajuće OV Mirnes Ajanović (*uz pojašnjenje izjavio da novčana nagrada ostane u iznosu od 500,00 KM kako je Komisija predložila*) i sekretar OV Leon Pavlović (*dao pojašnjenje zamjeniku predsjedavajućeg u vezi procedure dodjele općinskog priznanja*).

Predsjedavajuća OV uz kratko pojašnjenje stavila je na izjašnjavanje Prijedlog Odluke o dodjeli općinskog priznanja i novčane nagrade Općine Vareš za 2021. godinu uz izmjenu člana 2. (*iznos od 500,00 KM zamjenjuje se sa iznosom od 1.000,00 KM*).

Nakon izjašnjavanja vijećnika predsjedavajuća OV konstatuje da je **jednoglasno (sa 18 glasova „ZA“)** (odsutan zamjenik predsjedavajuće Mirnes Ajanović) **usvojena**

Odluka o dodjeli općinskog priznanja i novčane nagrade Općine Vareš za 2021. godinu.

Ad.7.

(Prijedlog Odluke o izmjenama Odluke o raspodjeli sredstava za političke stranke i nezavisnog vijećnika u Općinskom vijeću Vareš iz budžeta Općine Vareš za 2021. godinu.)

Komisija za statutarna pitanja i propise na 5. sjednici održanoj 22.07.2021. godine jednoglasno je donijela sljedeći Zaključak:

- **Komisija nema primjedbi na Prijedlog Odluke o izmjenama Odluke o raspodjeli sredstava za političke stranke i nezavisnog vijećnika u Općinskom vijeću Vareš iz budžeta Općine Vareš za 2021. godinu, te je upućuje Vijeću na razmatranje.**

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o izmjenama Odluke o raspodjeli sredstava za političke stranke i nezavisnog vijećnika u Općinskom vijeću Vareš iz budžeta Općine Vareš za 2021. godinu.

Nakon izjašnjavanja vijećnika predsjedavajuća OV konstatuje da **je jednoglasno (sa 19 glasova „ZA“) usvojena**

***Odluka o izmjenama Odluke o raspodjeli sredstava
za političke stranke i nezavisnog vijećnika u
Općinskom vijeću Vareš iz budžeta Općine Vareš za 2021. godinu.***

Ad.8.

*(Prijedlog Rješenja o utvrđivanju prava vlasništva
u korist Bogeljić Tonke iz Vareša Tisovci bb.)*

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o utvrđivanju prava vlasništva u korist Bogeljić Tonke iz Vareša Tisovci bb.

Nakon izjašnjavanja vijećnika predsjedavajuća OV konstatuje da **je jednoglasno (sa 19 glasova „ZA“) usvojeno**

***Rješenje o utvrđivanju prava vlasništva
u korist Bogeljić Tonke iz Vareša Tisovci bb.***

Ad.9.

*(Prijedlog Rješenja o imenovanju Komisije za utvrđivanje rezultata
izbora za članove savjeta mjesnih zajednica na području općine Vareš.)*

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o imenovanju Komisije za utvrđivanje rezultata izbora za članove savjeta mjesnih zajednica na području općine Vareš.

Nakon izjašnjavanja vijećnika predsjedavajuća OV konstatuje **je jednoglasno (sa 19 glasova „ZA“) usvojeno**

***Rješenje o imenovanju Komisije za utvrđivanje rezultata
izbora za članove savjeta mjesnih zajednica na području općine Vareš***

Ad.10.

(Prijedlog Rješenja o imenovanju Stručne komisije za procjenu prometne vrijednosti nekretnina.)

Ispred ovlaštenog predlagača pomoćnik načelnika Ermin Musa uz dato pojašnjenje predložio je da se u preambuli prijedloga Odluke uradi tehnička ispravka (*umjesto navedenog broja Službenih novina broj: 5/13 treba navesti broj: 6/13*) i tačka I rb. 2. mijenja se i glasi: *„Jelić Čedomir, dipl. pravnik, član“*.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o imenovanju Stručne komisije za procjenu prometne vrijednosti nekretnina sa predloženim izmjenama.

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“)** usvojeno

Rješenje o imenovanju Stručne komisije za procjenu prometne vrijednosti nekretnina.

Ad.11.

(Prijedlog Programa obilježavanja 16. augusta/kolovoza – Dana općine Vareš.)

Općinski načelnik Zdravko Marošević u svom kratkom obraćanju upoznao je Vijeće da će na Svečanu sjednicu OV povodom obilježavanja Dana općine Vareš 16.08. koja će se održati 16.08.2021. godine (14,30 sati) u Velikoj sali Općine Vareš, biti pozvani dobitnici Zahvalnica Općinskog načelnika i dobitnik Plakete Općine Vareš za životno djelo. Svečana sjednica će se obilježiti dostojanstveno i skromno.

Predsjedavajuća OV napomenula je da prilikom slanja pozivnica u istim bude naveden protokol obilježavanja Svečane sjednice.

Predsjedavajuća OV stavila je na izjašnjavanje Prijedlog Programa obilježavanja 16. augusta/kolovoza – Dana općine Vareš i nakon izjašnjavanja vijećnika konstatuje da je **jednoglasno (sa 19 glasova „ZA“)** usvojen

Program obilježavanja 16. augusta/kolovoza – Dana općine Vareš.

Ad.12.

(Informacija o ostvarivanju osnovnih i dopunskih prava iz oblasti boračko-invalidske zaštite na području općine Vareš.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Mirnes Ajanović (*uputio je pitanje pomoćniku načelnika Službe za opću upravu, društvene djelatnosti i BIZ Čedomiru Jeliću „Zašto su nedostupne informacije od ove Službe, konkretno od BIZ-e, koje sam tražio u dva navrata po Zakonu o dostupnosti informacija građanima i po svom vijećničkom pravu, gdje sam odbijen da mi se daju informacije?“*), Mahira Brkić (*mišljenja je da je informacija štura, nema dovoljno podataka koje zanimaju vijećnike-ko je imao zakonsko pravo na banjsko liječenje, kupovinu udžbenika, jednokratnu pomoć i sl, sugerisala je da ubuduće ova informacija bude što detaljnija*) i Nikola Šimić (*skrenuo je pažnju na pomoć u slučaju smrti*

pripadnika branilačke populacije/umrli demobilisani borac koji nema srodnika ne može se za njega ostvariti naknada, o istom je dao pojašnjenje).

Pomoćnik načelnika Čedomir Jelić u svom obraćanju dao je odgovor vijećniku Ajanoviću da ni on a ni šef Odsjeka za BiZ-u ne znaju za njegova dva traženja informacija. Mišljenja je da se ne trebaju koristiti imena i prezimena svih korisnika tamo gdje ne treba a i zbog zaštite osobnih podataka, ali da svi vijećnici koji žele dobiti određene informacije/podatke, mogu doći u Odsjek za BiZ-u i dobiti konkretne podatke.

U daljnjoj raspravi su učestvovali: predsjedavajuća OV Mahira Brkić (*izjavila je da Vijeće ne traži JMB korisnika, nego imena i prezimena i da će predložiti zaključak da se informacije dostavljaju mnogo detaljnije*), zamjenik predsjedavajuće OV Mirnes Ajanović-replika (*dao je pojašnjenje pomoćniku načelnika o načinu traženja podataka od BiZ-e-prvi put je tražio podatke kao vijećnik u kancelariji BiZ-e, a drugi put je putem protokola uputio pisani zahtjev kao građanin. Nikad nije dobio tražene informacije, nego mu je samo predočen interni akt Ministarstva za boračko invalidsku zaštitu u kojem stoji zabrana objavljivanja podataka*) i vijećnik Dario Dodik (*krajnje je vrijeme da se ovakve informacije koje nisu detaljne vrte na dopunu sa podacima koje vijećnici traže*).

Šef Odsjeka za BiZ-u Senad Dramalija u svom obraćanju izjavio je i upoznao prisutne na proceduru ostvarivanja zdravstvene zaštite demobilisanog borca. Uvjerenje o statusu demobilisanog borca izdaje Ministarstvo za boračka pitanja putem Odsjeka za odbranu koji se nalazi u zgradi Općine. Nakon dostavljanja potrebne dokumentacije, Odsjek za BiZ-u predmet upućuje Ministarstvu za boračka pitanja na daljnje postupanje. Također je naglasio da je Ministarstvo za boračka pitanja nadležno za odobravanje ostvarivanja drugih dopunskih prava u skladu sa zakonom, o čemu je dao pojašnjenje. Odsjek za BiZ-u dobio je upute od nadležnog ministarstva, da spiskove korisnika dopunskih prava ne mogu dostavljati uz informacije, i izjavio je ali da svako od vijećnika može iste dobiti na uvid u kancelariji Odsjeka za BiZ-u.

Predsjedavajuća OV sugerisala je da šef Odsjeka za BiZ-u, Vijeće na sljedećoj sjednici OV upozna sa aktom nadležnog ministarstva u kome stoji zabrana davanja spiskova Vijeću. Naglasila je da je Općinsko vijeće institucija, a ne fizičko lice i kao takva institucija ima pravo da traži podatke o kojima se govorilo u raspravi.

Zaključena je rasprava i predsjedavajuća OV konstatuje uz **Zaključak da je Vijeće primilo k znanju**

Informaciju o ostvarivanju osnovnih i dopunskih prava iz oblasti boračko-invalidske zaštite na području općine Vareš.

Predsjedavajuća OV na osnovu diskusije vijećnika predložila je i stavila na izjašnjavanje sljedeći

Zaključak:

Da svaka naredna Informacija o ostvarivanju osnovnih i dopunskih prava iz oblasti boračko-invalidske zaštite na području općine Vareš sadrži imena i prezimena korisnika koji su po određenim parametrima dobili vanredne novčane pomoći, pomoći u slučaju smrti pripadnika boračko-invalidske zaštite, banjsko liječenje i sl.. Imena i prezimena osoba koje su odbijene, koje kriterije nisu ispunjavali pa su odbijeni.

Nakon izjašnjavanja vijećnika predsjedavajuća OV konstatuje da je **jednoglasno (sa 16 glasova „ZA“)** (odsutni vijećnici: Emir Islamović, Nedžad Mušanović i Sahudina Beganović) **usvojen predloženi Zaključak.**

Ad.13.

(Tekuća pitanja.)

Predsjedavajuća OV upoznala je prisutne sa pristiglom poštom:

1. Zaključak sa 34. sjednice Skupštine ZDK, broj:09-31-9025-3/21 od 30.06.2021. godine dostavljen od Ministarstva za rad, socijalnu politiku i izbjeglice. Zaključak se odnosi na Analizu stanja socijalne zaštite u ZDK sa posebnim osvrtom na uticaj pandemije koronavirusa na sistem socijalne zaštite. **(Kolegij je zadužio Službu za opću upravu, društvene djelatnosti i BiZ-u da analizira, odnosno izvrši uvid u Analizu i da Vijeću dostavi prijedlog zaključka na jednu od narednih sjednica).**
2. Molba za sanaciju puta u ulici Tirići od 05.07.2021. godine, dostavljena od Miočević Terezije ul. Tirići br. 32 Vareš. **(Dopis je upućen Službi za prostorno uređenje na izjašnjenje, još nije dostavljena povratna informacija).**
3. Inicijativa za pokretanja procedure za izmjene i dopune Poslovnika o radu OV, dostavljena od vijećnika Daria Dodik **(riješeno prije sjednice).**
4. Informacija o statusu školskog igrališta u ulici Čaršija broj. 02/3-1898/21 od 27.07.2021. godine, dostavljena od Službe za prostorno uređenje. **(informativno).**
5. Vijećnik Dario Dodik uz dato pojašnjenje i u ime građana, traži od općinskih službi da daju informaciju na osnovu čega i pod kojim uvjetima je izvođač počeo sa radovima na parceli u industrijskoj zoni „Kram“. Također u ime stanovnika naselja Rajčevac traži pojašnjenje u vezi nestašice vode dok se preusmjerava vodozahvat za punionicu.

Pomoćnik načelnika Ermin Musa dao je pojašnjenje da je firma „Mušibegović“ dobila posao za asfaltiranje puta za Borovicu i da uzimaju materijal iz Pajtov Hana. Dole nemaju prostor za drobljenje i ustupljen im je taj prostor. Nakon završetka poslova dužni su da uredi i očiste isti. Za pitanje u vezi nestašice vode nije imao odgovor.

Vijećnik Dario Dodik postavio je pitanje da li je potrebno dobiti dozvolu da bi se uspostavila onakva drobilica na prostoru koji je udaljen 50 metara od stambenih objekata.

6. Vijećnik Nurdin Begović uz dato obrazloženje podnio je Inicijativu za izdvajanje i uplatu 800,00 KM iz budžeta Općine Vareš na račun MZ Budoželje a u svrhu nabavke golova za fudbal.

Uz dato obrazloženje predložio je da Vijeće pošalje PS Vareš jedan vid sugestije, da dežurna patrola tokom pazarnog dana –subote, bude što više prisutna na autobuskoj stanici kod pijace i spriječi nepotrebna zaustavljanja vozila, osim javnog prevoza i taxi službe na navedenom mjestu.

Predsjedavajuća OV uputila je vijećnika Nurdina Begović da Inicijativu dostavi Službi OV i da je oni dalje prosljede nadležnoj službi na izjašnjavanje.

Postoji odluka kojom je regulisano sve ono što je vijećnik naveo u vezi zaustavljanja i parkiranja vozila na autobuskoj stanici. Zbog toga Vijeće može poslati sugestiju MUP-u da primjenjuje tu Odluku.

7. Vijećnik Asmir Čizmo uz dato pojašnjenje uputio je sugestiju JKP d.o.o. Vareš da iznađu mogućnost i da se očitavanje brojila za potrošnju vode vrši redovnije kako građani ne bi došli u situaciju da im se pojave previsoki računi.

8. Vijećnik Igor Hinger upoznao je prisutne da je Općina Vareš potpisala Ugovor sa Omladinskom bankom i u procesu je formiranje Odbora. Uz dato pojašnjenje sugerisao je vijećniku Nurdinu Begović (vezano za njegovu Inicijativu) da će narednom periodu biti objavljen javni poziv za podnošenje projekata koji podržavaju mlade i da mladi iz MZ Budoželje i ostali mogu aplicirati na iste (vrijednost projekta je do 1.500,00 KM).

Uz dato pojašnjenje postavio je pitanje šta Vijeće i Općinski načelnik mogu učiniti kako bi Ministarstvo za prostorno uređenje dostavilo nam odgovore u razumnom roku na naše upite koje je općinska služba uputila istom (sanacija rasvjete i odrona u tunelu).

Predsjedavajuća OV podsjetila je Vijeće na da je prošao rok od 30 dana u kome je nadležno ministarstvo bilo dužno da odgovori na naš upit u vezi sanacije rasvjete u tunelu. Shodno tome, nadležnom ministarstvu se može uputi Urgencija i ako ni taj dopis ne urodi plodom, onda se možemo obratiti Vladi ZDK u čijem je sastavu i ministar nadležnog ministarstva.

U vezi s tim Vijeće je **jednoglasno zadužilo nadležnu općinsku službu da Ministarstvu za prostorno uređenje, promet i komunikaciju i zaštitu okoline Ze-do kantona uputi dopis-Urgenciju i zatraži očitovanje u vezi ranije poslanog upita za sanaciju rasvjete u tunelu, općina Vareš.**

Sastavni dio ovog Zapisnika je audio zapis sjednice.

Sjednica je završena u 17,40 sati.

S E K R E T A R

Leon Pavlović

ZAPISNIČAR

Azra Pijadžer

*PREDSJEDAVALA
OPĆINSKOG VIJEĆA*

Mahira Brkić